

瑞昌縣志卷之八

雜志

雜志志未備也災異以存省詩歌以紀先哲之營兆方外之玄踪其類不同志無所屬故以雜志終焉

詩

灤溪驛

王十朋

半月遊廬阜中秋宿灤溪祠尋元子隱樹認赤烏棲坐待雲開月行愁雨作泥番人應話我身

瑞昌縣志

卷之八

一

在九江西

又

浪浪舊遊處旅人今兩宵赤烏曾紀瑞銀杏敢興妖照眼水名灤回頭山億堯男兒四方志寧憚蜀天遙

蒼城墩

童潮

本府知府

一數高聳處古樹春圍城野燒明烽火風柯響甲兵坡仙白戰地磬叟隕星營我欲尋遺跡潺灤灤水清

戴經 本府推官

朽骨垂遺跡高丘重列城草深多牧馬路僻不知兵古木何人植新堂幾歲营文章天下在莫道灤溪清

邑人鄧文綱

鬱鬱藂翠林四圍削方壁乾坤一坯土平地建中極滄溟遶足流榜山當面立元公與蘇老異世留芳跡

邑人陳良顯 舉人

瑞昌縣志

卷之八

二

蒼城舊祀二賢今增祀王十朋爲三賢祠

平岡孤特勝環水遶迤清廟宇三朝迹文章兩代名次山非孟浪坡老豈玄冥千古同禋祀龜齡遇亦神

白龍泉 邑人馮瓚

白龍當日奮潛鱗泉湧高山不計春碑石遠遺唐宋記歲時厪祀古今人風雲常帶昇騰氣草木均沾沛澤仁好似匡廬飛瀑布更看長夏降甘霖

自是神龍窟幽深杳莫知水分天上派潮候海
中時不與凡流合祇爲甘澍施山椒蒼蘚裏雲
霧鎖螭碑

戴經

龍在深山卧人從瀑布知香延隨海候甘澤應
農時珠玉蒼苔溜氍毹白練施但疑神物化豈
特信殘碑

黃源大

神龍從穴出杳靄詎難知氣布皆由序潮來自

瑞昌縣志

卷之八

三

應時樞機天地握妙道化工施此理無竒恠傳
疑勿信碑

謝廷侃

老龍潛何此山眠日湧潮泉不計年也解爲霖
祛旱雪窮碑無恠重磨鐫

丫頭山

潘日厚

本縣知縣

屹立乾坤不記秋孤標高致孰能儔可憐鎮重
身心靜不爲浮沉世事憂花柳妍妍空自媚冰
霜凜凜卒難速至今姻婭無人會屹立乾坤不

記秋

劉頡

山名自古號丫頭立老乾坤不計秋螺髻未梳
雲樣鬢蛾眉誰盡月般鈎花含重霧臙脂濕草
帶微烟翡翠浮只恐霜傳紅葉信番番風雨淚
成流

歐存善 本縣典史

生來渾是石心肝不受人間月老看暮雨朝雲
真汗漫桑田滄海豈相干參天倚地誰堪配往

瑞昌縣志

卷之八

四

古來今只自安墨客丹青休浪視至誠一段寫
尤難

陳珩

卓爾竒峯峙尖分兩髻丫雲霞披錦服霜雪飾
鉛華持守堅尤久梳粧淡亦佳立身高且大配
耦是誰家

陳璟

山號丫頭豈浪呼分明雙髻似曾梳丹青莫作
明妃看漫與人間寫盡圖

童潮

秀拔群山表危峯岐作丫兩難驂寔乘二婉毓
喬家春雨髻梳綠秋霜髮染華巫山十二裏添
汝更爲佳

戴經

天與人爲戲山將石作丫立僵夫在戌望渴婦
無家日月催鉛粉風霜老歲華如今媼母醜相
見恐非佳

黃源大

瑞昌縣志

卷之八

五

列峙多形肖茲山呼作丫乾坤原是偶寰宇自
成家一節堅終古雙鬢歷歲華不湏人品藻清
譽自然佳

陳良顯

丫髻岩巉媚欲騫遲迴天地獨悠然烏雲雙挽
村粧別紅澍濃施野色妍異草竒花新插帶春
風秋月舊姻緣嬌羞不入宮壺選落寞郊原祇
自憐

亭子嶺

史珍 進士

亭子東坡跡至今仰令名壁間詩已沒竹上墨
尤馨登覽一時事山川千古榮不知風月夜門
戶有誰扃

章武
臨川進士

亭子山頭竹滿坡斑斑葉上墨痕多分明內翰
文章筆化作淋漓永不磨

鄧文綱

形勢來迢遙特然立蒼壁蘇子謫黃州曾此一
甜息石崖刻芳題亭子存遺跡文光燭宇宙晃

瑞昌縣志

卷之八

六

朗晝相射

陳璟

亭子山青秀莫加昔人曾此暫停車一坡竹染
文章墨千載猶存葉上花

陳良顯

當年坡老腴竒芬賸有精華及此君空入物機
皆幻化氣蒸簾笏盡烟雲蒼痕豈是湘妃淚箇
籀應披翰苑文中有朱書原未剥瀟瀟千古結
爲亭

王喬洞

史珍

一自亡雙舄棲身入洞中只窮仙界事不與世
人通黃鶴曉天集青山夜月空幾回尋古跡惟
覩送鳧風

陳珩

古跡王喬洞仙踪隱顯間花開青鳥語山靜碧
雲閒石嶺殘碁局烟收宿火丹雙鳧已飛去羸
得蘚苔斑

童潮

瑞昌縣誌

卷之八

七

盜將天地秘鍊茲山罅中塵世轉身隔蓬萊對
面通苔封丹鼎老雲鎖洞門空惟有當年舄鳧
飛葉縣風

戴經

仙跡多靈異悠悠杳昧間高山常假借深洞不
容閒誰謂雙鳧履真成百鍊丹是非今古外石
上菊成斑

陳良顛

一窟藏幽幻長夏生秋陰時擁五龍霧忽爲六

月霖谷聲空裏應石鼓竅中音未跡王喬履桃
花解笑人

望仙橋

戴經

仙人真已去千載一空名杖履雲頭沒冠裳雨
脚征百年猶駭俗萬里未知瀛到底無何有詩
家自適情

黃源大

神仙真杳眇橋望自空名滿眼追風馭何人見
地征遺梁橫斗漢浪水隔蓬瀛過客多王事誰

能一適情

呂公井

童潮

回老飛昇處踏深一隙泉遺錢嫠骨朽瘳疾土
花鮮九仞非人掘千年只口傳草生甃石古春
雨綠芊芊

八景括詠

陳邦儀

神仙望斷橋跨灤湮井人尤詫呂公漫叟祠深
墩黯藹東坡亭翼嶺巔窈洞閒白晝人何在觀
鎖清秋物幻空惟有丫頭山柰老龍泉洮沐幾

春風

陳嘉謨

一杯方土因賢勝百尺懸泉慰旱思
道院龍昇空裏杳津橋仙去望中疑
洞名王子蹤難覓井述純陽事莫追
更有丫山與亭嶺清風高節古今垂

榜山凝秀

鄧文綱

瑞方不與衆山同一幅宏開對泮宮
勢入青雲凌宇宙光浮黃甲映烟虹
蛟龍變態泉靈應虎豹文章造化工
九疊竒巒可圖盡最高惟喜狀元峯

瑞昌縣志

卷之八

九

灤水澄清

一派原從何處來白龍靈氣貫三台
春光瀲灩晴偏好秋色晶明夜更開
洗硯便能添沃潤濯纓無復染塵埃
涓涓莫道無歸宿也學朝宗到海涯

東寺鍾聲

蒲牢哮吼徹洪鈞梵刹岩堯隔世塵
百八數中

開覺悟三千法界起沉淪月樓晚得遲眠夜花
院晨聞早惜春我欲觀光聽天樂此音輸與上
方人

港口漁歌

港口溶溶水一灣持竿人去不知還匪緣避世
垂綸久或爲逃名托釣閑無兆可符姜呂卜竟
誰能認子陵灘古人藉此輕軒冕千載清風激
懦頑

古洞遊春

素愛山南古石房乘春幸得一徜徉沿溪弱柳
低垂線隔水踈松謾奏簧藥竈無人烹白石茅
菴有叟飲黃梁年來亦有求仙意爭得安期授
秘方

宿上泉寺

申綱 本府知府

瑞昌南去遠古剎上泉幽山色簷前現泉聲石
畔流鶯簧隨處巧花氣上林浮抱疾無聊甚羈
懷賴此休

又

四望盡峯巒松杉碧漢鑽出池荷數點匝地竹
千竿山古林塘小心閑地步寬移爲幽隱處便
可掛塵冠

謝英 本府同知

山擁青螺拱寺門馱驚白馬過烟村笙簧匝地
泉鳴籟頭角凌雲竹有孫蓮社祇憑文士結蒲
牢難與俗人論題詩欲記當年事不覺曇華點
鬢根

利澤寺晚坐

戴經 推官

瑞昌縣志

卷之八

十一

馳驅王事萬山深坐愛僧房竹晚陰江上帆檣
何浩蕩鳥邊雲樹正蕭森紛紛訟牒闕王事冉
冉年華負壯心自是大丘能化俗不勞刑罰想
遺音

重至利澤寺信宿

山僧元不慣趨迎鐘鼓何勞特地鳴辟道松間
吾自俗尋真雲外幾人成山穀野簌曾供客石
榻雲房莫打更東谷曙光鼾睡足也添詩骨一
番清

瑞昌練兵

安平赤子豈知兵八陣森然亦自成
鼓吹穿雲聲激烈旌旗耀日艷分明
潢池牛犢休誇健山邑戈矛已備精
但願太平無用此絃歌滿耳子
游城

瑞昌舊城

夏寅 提孝副使

楚寇揚兵肆毒痛江州何地得樵蘇
中原已附明天子烈士誰甘莽大夫
白氣如虹先犯斗黃星似狗忽成胡瘡
痍未起謳歌動

瑞昌縣志

卷之八

十二

皇祖成功亘古無

公出道中閒興

戴經

山花逞態不知名滿路香風送曉行
客衷春歸全碌碌人間歲去苦營營
赤湖渡口風波惡白石磯頭野艇輕
何似靜觀亭上坐啣盃落日未
湏驚

公出復寓利澤寺和韻

古寺深林聊駐馬入門看竹喜成遊
長驅已倦臥有室高興欲眺登無樓
畫靜芸窓真似古夜

涼月榻正如秋東西塵鞅慚吾輩却喜偷閑半
日留

過筋竹寺

江潯 如縣

山坂招提境重来冬日暄林虛雲盡入風定竹
交繁有劔消魔瘴無鷗落兔園老僧禪榻語未
許到根源

過上泉寺

駐節王仙寺石爐檀正焚雲深除酷暑竹密隱
清芬泉脉盈科進風聲接葉聞山中無滴漏信

瑞昌縣志

卷之八

又十三

鼓報更分

過赤顏寺

冬日躋攀上赤顏赤松子住碧霄關深無虎豹
蒲圃穩高自煙花老衲閑笑我偶來驚魍魎與
人似是隔區寰石淙木葉鳴寒雨斷碣技荒草
正刪

犒兵駐瑞昌禱雨

郭希太 本府通判

溢城四野□恒陽膜切痾瘵動禱禳楚客浮雲
空有嘆商臣作雨愧無良豐穰歲計憂虛盼優

渥秋來喜更洋偶爾一朝慰農望竒聞千古浪
夸張

甘雨次韻

江一鵬 知縣

農望秋來苦亢暘迺勞慈念親析襁犒兵已見
綏猷壯趣賦咸知布法良兩日精誠蒼昊格四
封霑渥綠波洋爭誇行部隨車澤偉績于今喜
再張

駐瑞昌府牒催徵

郭希太

蟬噎槐風秋院初青山幕府雨旬餘也知蔣氏

瑞昌縣志

卷之八

又又十二

哀殊切難學陽城拙自居竹馬未迎空從馬石
魚將試愧懸魚相羊何日樊籠外一篋蒲編任
卷舒

次韻

江一鵬

捧檄驅馳抵瑞初適逢使節按臨餘晚來急雨
盈郊澹秋至新涼入院居化洽潯廬方展驥量
弘江海似忘魚菲才何幸叨鄉雅鬱緒無端火
放舒

古蹟

瑞昌古城舊在桂林橋安太街成化間捉李華亭夏寅詩附在

藝文志

古蹟赤烏鎮在縣西安太鄉桂林橋址存

尉司在縣東宋淳熙間知縣汪榮創元因之更名稅務壬辰兵燬後改稅課局亦廢

酒稅務在縣西宋紹興間知縣王顥創後兵燬

瑞昌縣志

卷之八

十三

灤溪驛在縣東南宋紹興間知縣王顥創元壬

辰兵燬宋王十朋有詩在藝文志

石泉碑在葛洪山晉時洪見田有蛭害人乃書符錄于石置之田畔蛭不生石刻見存

丘墓

匡裕墓在歸義鄉匡葬山古志周人匡裕修煉道術于廬山厥後人莫知其所終惟此山有墓

且山名匡葬傳為裕墓焉

程普墓在安太鄉桂林橋四南

陳伯宣墓在金城鄉伯宣唐宜都王陳叔明之後陳褒之孫陳灌之子也生於閩之仙遊隱居廬山註司馬遷史記行千世詔徵不起就領著作郎生時佳瑞昌山川秀麗以壽終遂葬于此寺

東山寺在市去縣東一百五十步許宋嘉泰間建洪武六年重脩歲久傾圮正德十二年建東有古井一口

利澤寺在金城鄉地名鋼崗嶺去縣西此四十四

瑞昌縣志

八

十四

里許東晉太元間建洪武間重修有地一頃柒拾六畝九分

有題詩

南禪寺在安泰鄉去縣北五里許宋慶曆間建有小塔洪武間重修有田地四畝

四峯寺在安泰鄉去縣西十里許宋元祐間建洪武間重修有田地九畝三分

淨明寺在安泰鄉地名洪山去縣西十一里許宋淳熙間建永樂間重修有田地拾八畝

震泉寺在甘露鄉去縣西北二十里許宋慶曆

間建永樂四年重修

普澤寺在歸義鄉武山下去縣一十五里許晉時建洪武間重修有田地四畝

寶林寺在歸義鄉地名赤山坂去縣西二十五

里許宋天聖間建永樂重修有田地二畝五分

白水寺在歸義鄉去縣治西南二十五里許洪

武間建弘治間重修有田此一十一畝一分

筋竹寺在歸義鄉地召東山去縣西南三十五

里許晉時建正德間重修有田伍畝

水陸寺在歸義鄉地名寶峯山去縣治西三十

五里許元至正間建弘治間重修有田地三畝

烏竹寺在清湓鄉去縣西南四十里許元至正

德間建洪武間重修有田地八畝

良田寺在清湓鄉去縣西南五十里許宋淳熙

間建宣德間重修有田地十畝

上泉寺在王仙鄉地名南流坂去縣南一百里

許宋乾德間建洪武間重修有田地九

畝五分 有題

崇真寺在洪陽下鄉地名北庄去縣八十里洪武間重修寺基寺後山并地計一十畝
赤巖寺在王仙鄉地名小原去縣南一百里許
洪武間建弘治間重修有田地十一畝
劉城寺在洪上鄉去縣治一百里許永樂間建弘治間重修

觀

昇龍觀在縣治南半里許世呼爲南觀與揚林湖近相傳昔嘗刻龍于四柱一日道士焚香見

一柱無龍時人見楊林湖有龍戲水次日視之其柱上龍角粘帶水草遂改號昇龍觀妄誕不足信志之存其舊耳正統間重建成化間修有田二畝蓮花塘二口

石山觀在安泰鄉去縣治西十里許其山圓特

皆石正德間修

上有讀書精舍

重脩瑞昌縣志後序

夫邑志何爲也以志邑也一邑之事鉅纖今昔志皆紀之事匪志弗紀志匪人弗脩脩匪時弗成是故志昉於前聞而修屬於後輯匪正則訛匪覈則略匪信則疑甚矣志脩之難也瑞隸江郡志隳於兵燹

厥來久矣弘治壬子大尹潘公司訓曹公編焉而未備正德甲戌大尹三山黃公鄉進士肅菴陳公纂焉而未詳延至嘉靖乙丑世遠言湮殘缺失次大尹一溪駱公政通之暇禮教諭曉江蔣公鄉官桃源陳公貢士金墩曹公二南潘公生

負蕭子鳳儀等旁搜博采考核惟
嚴將梓焉以遷秩中輟噫嘻志之
難成也如是丁卯鳳里劉公涖任
留心訓典必欲顧成之顧以菲才
辭劉公慨曰瑞邑景跡竒偉人才
輩出古籍雖存而制多興革漫無
考證若非錄舊增新芟繁黜鄙則

邑典終就湮矣顧迺不自揣取一
溪桃源諸公舊稿與劉公夏生之
時輩翻閱商正綱提目舉釐爲八
卷志輿地以析疆域志建置以陳
藝極志賦役以重民事志職官以
彰治業志學校以崇教志秩祀以
重典志人物以章鑒志藝文以昭

獻志襍紀以備遺校讐數月幸完
斯編遂捐貲繡梓適大尹中臺江
公釋驂首即索覽邑乘顧請序諸
端中臺遂續校序之復命顧識諸
後顧以今之爲吏者大率亟簿書
俾邑事無廢足稱良矣孰有爲其
邑圖不朽耶間有之獵聲市譽計

遷而去視向所欲舉雖廢弗恤也
若駱劉江諸公皇皇惟邑乘是圖
非識所先務者乎故曰志垂法戒
其人存則其志舉其時偶則其志
成顧今僭妄敢謂正而覈信而傳
惟漫述以成諸公之志耳若夫刪
其訛謬補其缺畧尚有俟於後之

博物君子

隆慶戊辰仲冬吉日瑞昌縣儒學

教諭新安陽谿謝顧書